

فيديو # ٥٣٧ من مقاطع حذر التجول تدبر البقرة حلقة ٦٦ الآية

٢١٢

فاضل سليمان

السلام عليكم ورحمة الله وبركاته. اهلا بحضراتكم في المقطع رقم سبعمية خمسة وثلاثين من مقاطع حذر التجول والحلقة السادسة والستون من حلقات تدبر سورة البقرة ارجو من حضراتكم تجميعوا المصاحف - [00:00:01](#)

واقرا معي الاية متين واتناشر. النهاردة احنا هنتدبر فقط الاية متين واتناشر لكن ما تتصوروش ان التدبر بتاعها هيكون بسيط يعني من اكثر الايات اللي فيها تدبر بصراحة يعني اقرأ كده معي اعوذ بالله السميع العليم من الشيطان الرجيم - [00:00:25](#)

زين للذين كفروا الحياة الدنيا ويسخرون من الذين امنوا والذين اتقوا فوقهم يوم القيامة والله يرزق من يشاء بغير حساب تعالوا الاول اعد لكم مواضع تدبر اللي في الاية زين - [00:00:47](#)

فعل مبني للمجهول. مين اللي زين زين للذين كفروا طب وهو الدنيا مش بتزين للذين امنوا يعني؟ يعني لازم يكون زين للذين كفروا وربنا مش بيزين للذين امنوا يعني احنا عندنا مسلا في سورة ال عمران - [00:01:15](#)

ربنا قال زين للناس حب الشهوات من النساء والبنين والقناطير المقنطرة من الذهب والفضة والخيل مسومة والانعام والحرف ذلك متاع الحياة الدنيا والله عنده حسن المآب اهو تزيين اهو زين للذين كفروا الحياة الدنيا - [00:01:39](#)

ما هي والدنيا مش حلوة؟ يعني اومال اومال ايه حقيقة الدنيا ايه؟ يعني زينت يعني هو في حاجة بيتحط لها ميك اب عشان تستخبي يعني زين للذين كفروا الحياة الدنيا ويسخرون من الذين امنوا - [00:02:11](#)

ليه بيسخروا منهم ومين اللي يستحق السخرية؟ مين اللي المفروض يسخر من مين ويسخرون من الذين امنوا والذين اتقوا فوقهم يوم القيامة. ليه ما قالش؟ والذين امنوا فوقهم يوم القيامة - [00:02:31](#)

يعني هم بيسخروا من الذين امنوا نتوقع ان القرآن يكمل يقول والذين امنوا فوقهم يوم غداء. قال لك والذين اتقوا فوقهم يوم القيامة. هو في فرق والذين اتقوا فوقهم يوم القيامة - [00:02:50](#)

الله! طب وهل في الدنيا هم مش فوقهم؟ هم مين اللي فوق مين في الدنيا والله يرزق من يشاء بغير حساب. ما علاقة الرزق دلوقتي بالكلام عن الكافرين اللي بيسخروا من المؤمنين - [00:03:07](#)

ايه علاقة الرزق في الموضوع ده دلوقتي اية واحدة ومش طويلة ومع ذلك فيها اكثر من سبع تمن تسع مواضع للتدبر. مش معقولة تعالوا نبدأ باول نقطتين. لانهم مرتبطين ببعض - [00:03:21](#)

زين فعل مبني للمجهول مين اللي زين زين للذين كفروا الحياة الدنيا. اكيد ربنا مش هيزين الحياة الدنيا للكفار عشان يكفروا يعني مدام للذين كفروا يبقى اكيد الشيطان هو اللي زين لهم - [00:03:39](#)

طيب ما هو ربنا سبحانه وتعالى ليزين ايضا وشفنا الاية في ال عمران زين للذين زين للناس حب الشهوات من النساء والبنين والقناطير المقنطرة من الذهب والفضة والخيل المسومة والانعام والحرف. ذلك متاع الحياة الدنيا والله عنده - [00:04:01](#)

المقاب ايه الفرق بين تزيين الله سبحانه وتعالى للناس الحاجات دي وبين تزيين الشيطان للذين كفروا الحياة الدنيا اول الحاجات اللي ربنا زينها للناس دي ما هياش حرام لكن لما الشيطان يزين بيزين كل حاجة بقى في الدنيا وبيزين الحرام وبيزين المعاصي وبيزين كل

ده - [00:04:23](#)

لكن لما ربنا زين زين هذه الشهوات لولا تزيين الله لهذه الشهوات كانت الدنيا انتهت لولا غريزة الامومة والشعور بالرغبة في البنين وزين للناس حب الشواة من النساء والبنين - [00:04:47](#)

ما كانش هيبقى فيه انجاب. كانت الدنيا هتنتهي. يعني ايه اللي يخلي امرأة تتحمل الام الوضع الرهيبة ومتاعب والام حمل تسع شهور وياه اللي يخلي الراجل يتحمل بقى مسئولياته وصرف وبيت - [00:05:19](#)

الا ان يكون في غريزة بتدفع لذلك سواء الغريزة الجنسية او غريزة الامومة. فلولا الغريزتين دول البشرية كانت تنتهي وباقي الشهوات المادية بقى اللي هي حب الذهب والفضة والاناام والحرث ده معناه ايه؟ غريزة التملك - [00:05:33](#)

على فكرة انا قلت غريزة الامومة لكن ما فيش غريزة اسمها غريزة الابوة. عشان تبقوا عارفين. لكن في حاجة اسمها يعني الرجل يحبني وعنده اولاد. لكن في غريس اسمها غريزة الامومة. لكن - [00:05:52](#)

غريزة التملك موجودة عند الناس رجالة وستات لولا غريزة التملك ما كانش الناس هتشتغل هتشتغل وتستثمر وتجمع المال وبالتالي تخرج الزكاة وتعطف على الفقراء اذا ربنا سبحانه وتعالى هو الذي زين هذه الشهوات - [00:06:02](#)

من اجل استمرار النوع استمرار النوع الانساني ومن اجل تطور النوع الانساني الشيطان يجعل الانسان يحب هذه الشهوات اكثر من الله فين بقى الكلام ده في سورة التوبة سورة التوبة. مم - [00:06:20](#)

قل ان كان اباؤكم وابناؤكم واخوانكم وازواجكم وعشيرتكم واموال اقترفتموها. وتجارة تخشون كسادها ومساكن ترضونها احب اليكم من الله ورسوله وجهاد في سبيله. فتربصوا حتى يأتي الله بامرہ والله لا يهدي القوم الفاسقين - [00:06:45](#)

الخلل في اولويات الانسان هو ده اللي منهى عنه اللي يقبل الانسان من انسان صالح ومؤمن وتقي الى انسان فاسق هو انه يحب الدنيا ويحب ماديات الدنيا ويحب شهوات الدنيا اللي هي شهوات حلال اصلا وجائزة. وجائز ان الانسان يحبها ان يكون يحبها اكثر من الله ورسوله وجهاده - [00:07:16](#)

في سبيلي. ده يقلبه يقلبه يقلبه الى انسان فاسق. والله لا يهدي القوم الفاسقين نرجع الاية بتاعتنا متين واتناشر زين للذين كفروا الحياة الدنيا يبقى الشيطان يزين بطريقة فيها مبالغة - [00:07:41](#)

وفيها اخفاء للعيوب وللمخاطر بحيث الانسان يقع في حب هذه الشهوات والماديات فتطغى على قلبه فيبقى مستعد يضحي بالدين من اجل الماديات ومن اجل الدنيا طالما ان الشيطان يزين فكان لابد ان ربنا يزين ايضا - [00:08:06](#)

والا سيقع الناس جميعا في مصيدة الشيطان. فبدأنا نتبع بقى كلمة زين وتزيين وزينة اوه قصة كبيرة جدا دي في القرآن. وجدنا ان هناك ما يسمى بالتربية الجمالية في القرآن - [00:08:29](#)

تصدق بقى يعني القرآن بيربيك تربية ايمانية. وتربية روحية وتزكية. لكن عندك حاجة اسمها التربية الجمالية مسلا نجد في سورة فاطر بص انت اكنك هتتفرج على لوحة مرسومة دلوقتي المتر ان الله انزل من السماء ماء فاخرجنا به ثمرات مختلفا الوانها - [00:08:48](#)

ومن الجبال جدد بيض وحممر مختلف الوانها. وغرايب سود. ومن الناس الاب والاناام مختلف الوانه كذلك لوحة فيها سما وامطار وثمرات من كل اللوان وجبال بيض وحممر وسود وناس وخيل وجمال - [00:09:15](#)

وحيوانات من كل اللوان والاناام. بني ادمين من كل اللوان. يعني هتلاقي بني ادمين سود وبييض وعرب وهنود واسيويين وصفر وكل ده موجود وحيوانات ايضا من كل الانواع لوحة رائعة ايه الهدف طيب - [00:09:41](#)

ايه الهدف من هذه التربية الجمالية ليه اية زي دي فيها الجمال ده تنزل على ناس في البادية في الصحراء او ناس عايشين في الجبال او ناس آآ في الغابات - [00:09:57](#)

او الناس اللي قاعدين في مكاتبهم بيعملوا عمليات حسابية وبيحسبوا قيمة اسهم شركات في سوق المال والاعمال وبيبيعوا ليه ناس حياتها كلها بين الارقام. ليه الاية دي بتربي فيهم ايه - [00:10:13](#)

الهدف هو تربية التذوق الجمالي في الانسان. الجمال الاحساس بالجمال لما ربنا في سورة الصافات يقول انا زيننا السماء الدنيا بزيتنا

الكواكب يقول لك الكواكب دي والنجوم دي دي زينة. يعني يا بني ادم ما تبصش للسماء والنجوم نزررة سطحية - [00:10:30](#)
او نزررة انا هستفيد منها ايه انزر نزررة المتذوق للجمال. انزر على اللوحة الجميلة سودا خالص الخلفية بتاعتها وفيها نقاط لامعة
مختلفة للمعان وقمر وحاجة جميلة تشعر ان القرآن بياخد ايدك وبيدخلك متحف فني تتفرج على لوحات جميلة ورائعة والوانها
متناسقة غصب عنك - [00:10:58](#)

هتتعلم التذوق يعني هتتعلم التذوق. ليه لان وسيلة الشيطان الاساسية في خداع الناس هي تزيين المعصية زين لهم الشيطان
اعمالهم. جت بتاع ست سبع مرات في القرآن للشيطان ما بيقولش لحد اشرب الخمر واعصي ربك ابدأ - [00:11:27](#)
لا يأمر بالمعصية لا يقول لحد اعصى لا يمكن الشيطان يقول لحد يعصي ربه. لكن الشيطان يخلي الانسان ينسى ربه فانساهم ذكر الله
تمام؟ ما دام يخلي الانسان ينسى الذكر - [00:11:53](#)

بالتالي الايمان بيضعف. ما احنا قلنا الذكر هو الشاحن اللي بي شحن القلب بالايمان. ما دام نساك الذكر ايمانك هيضعف ايمانك هيضعف
المناعة هتقل. المناعة قلت يزين المعصية بقى فيقول للانسان عارف الكاس ده - [00:12:10](#)

شفطة بس منه هيزيل الهم والغم والاكئاب اللي على قلبك ده هيروح تماما. خد بس شفطة وجرب فيزين المعصية لكن التربية
الجمالية بقى اللي القرآن بيربها لك وبيربك عليها تجعلك ترى الجميل جميل فعلا. وترى القبيح قبيح - [00:12:31](#)
فلا يستطيع الشيطان انه يخدعك ويزين لك القبيح زين للذين كفروا الحياة الدنيا ويسخرون من الذين امنوا طالما قال ان الحياة
الدنيا زينت للذين كفروا يبقى الحياة الدنيا ليست جميلة - [00:12:55](#)

او جميلة لكن ليس بهذه الدرجة اللي تجعل الكافر يتمسك بها ومستعد لارتكاب الجرائم من اجلها والمعاصي من اجلها طب هو ليه
بيعمل كده؟ لانه مش مؤمن بالآخرة فاللي ما عندوش غير حياة واحدة اللي هي الدنيا ما لهاش منافس. خلاص هيخرها. ما هو ما
فيش غير حياة واحدة - [00:13:18](#)

يعني النار هنا والجنة هنا اللي ما عملش الملايين واعجاب البيت اللي بحمام سباحة وجاب العربية اللي مش عارف ايه وبتاع يبقى
خلاص داخل النار هو ما عندوش جنة ونار ثاني - [00:13:45](#)

فلازم يحقق الامريكان دريم ده والحاجات عشان يبقى دخل الجنة خلاص عاش بقى غلبان او فقير او مش عارف ايه او بتاع يبقى هو
دخل النار. ما هو ما عندوش حاجة ثانية - [00:13:57](#)

ما فيش منافس للدنيا دي. زين للذين كفروا الحياة الدنيا ويسخرون من الذين امنوا زين للذين كفروا. يعني هم اتخدعوا دلوقتي هي
الحياة اللي مش حلوة اوي كده زينت له - [00:14:09](#)

بنتحط عليها شوية مكياج كده فلو اتشال المكياج ده ولا الميك اب ده هتطلع دميمة جدا مش اللي هم مخدوعين فيه ده وهم ناس
مخدوعين ومع ذلك بيسخروا من المؤمنين اللي شايفين الدنيا على حقيقتها - [00:14:32](#)

ويسخرون من الذين امنوا ادي حاجة ده معنى كان لازم تفهمه وانت بتقرا هي زينت يعني في ناس اتخدعت دلوقتي. ما بيقول لك
لبس البوصة تبقى عروسة. مش كده هو التزيين بيغير كل حاجة. بتبقى حاجة صعبة جدا ووحشة جدا - [00:14:50](#)

تتغير تماما بشوية ايه تزيين. زين للذين كفروا دول مخدوعين دلوقتي الحياة الدنيا. ويسخرون من الذين امنوا هم اللي بيسخروا
والذين اتقوا فوقهم يوم القيامة. غريبة اوي! هم سخروا من الذين امنوا. نتوقع ربنا يقول والذين امنوا فوقهم يوم القيامة لكن -

[00:15:09](#)

قال لك والذين اتقوا فوقهم يوم القيامة. ايه الاعم انه الوصف العام وانها الوصف الخاص العام هو الذين امنوا من المؤمنين اتقياء
او متقين فالذين اتقوا دول مجموعة من الذين امنوا اللي حصل سخرية منهم دول هم اللي فوقهم يوم القيامة - [00:15:35](#)

ايه الفرق؟ ليه؟ اشمعنى ده معناه سبب الانخداع سبب عدم الانخداع هو التقوى تقوى يعني انت بتتقي يعني بتحمي نفسك من
حاجة بتمسك درع تتقي به السهام التقوى بتحمي الانسان من الانخداع - [00:15:59](#)

وبالتالي تؤدي الى ان الانسان يحمي نفسه من النار بس بعض المؤمنين لم يطبقوا تعاليم الاسلام كلها هو بيقول لا اله الا الله محمد

رسول الله بس. لكن عنده حاجات كده بيّفوتها - [00:16:23](#)

آ ما بيصليش كل الصلوات ما بيصحاش يصلي الصبح في ميعاده. اسمه الصبح على فكرة ما اسمهاوش الفجر اسمه الصبح تسعة
تصلي الساعة اربعة الصبح في وقت صلاة الفجر اسمه الصبح. صلاة الفجر هي الركعتين السنة - [00:16:40](#)
ما بيصحاش يصلي في ميعاده آ ما بيطلعش الزكاة آ الحاجات دي هذا ما يجعلهمش متقين لكن هم لسه يعتبروا مؤمنين طالما لم
ينقطع عن الصلاة تماما طالما ان هو يعني بيطلع زكاة بس مش كلها. كده يعني ما يجعلهم ايه - [00:16:56](#)
لكن ليسوا اتقياء لو رجعت للاية متين وتمانية اللي تدبرناها امبارح قالت ايه على الناس دي بتخاطبهم يا ايها الذين امنوا ادخلوا في
السلم كافة. ولا تتبعوا خطوات الشيطان انه لكم عدو مبين - [00:17:17](#)
وقلنا يا انت مؤمن المفروض ما تدعيش ان انك مؤمن وانت ما دخلتش في الاسلام كله وانت لسه ما تدفعش زكاتك انت لسه ما
بتصليش وانت لسه ما بتصومش وانت لسه ما حجتش ليه ؟ ليه تعمل كده ؟ - [00:17:39](#)
خد الاسلام كله على بعضه ومع ذلك ورغم انهم اتبعوا خطوات الشيطان الا انهم برضو لم يسلموا من سخرية الكافرين في الدنيا اه ما
هو الاية متين واتناشر قالت كده. قالت ايه ؟ زين للذين كفروا الحياة الدنيا. ويسخرون من الذين امنوا - [00:17:55](#)
والذين اتقوا فوقهم يوم القيامة. يعني الكفار بيسخروا من المؤمنين اللي مش مطبقين دينهم برضو سواء بقى اي مؤمن متقي او غير
تقي الكل بيتم السخرية منه فغير المتقين دول رغم عدم تقواهم - [00:18:19](#)
لمجرد ان هم مش كفار زيهم برضه مش عاجبين الكفار وبرضه لم يسلموا من سخريتهم فلا هم اتقوا سخرية الكافرين في الدنيا ولا
هم اتقوا العذاب يوم القيامة يعني لا فازوا في دنيا ولا فازوا في اخرة - [00:18:41](#)
وان كانوا لن يخلدوا في النار ازا النجاة فين ادخلوا في السلم كافة المسلم يطبق تعاليم دينه كاملة ما تجيش بقى تشتكي ان زوجتك
مطلعة عينك وعاملة فيك ومسوية وانت مش عارف تعمل ايه ما هو انت ما طبقتش - [00:18:57](#)
اه اه وصايا الرسول عليه الصلاة والسلام وانت بتختار زوجتك. ما تجيش تشتكي ان زوجك مطلع عينك وطلع كزا وطلع كزا. ما
انت ليه ما خدتيش ده من جاءكم ان جاءكم من ترضون دينه وخلقه فزوجوه. يعني طبقوا الدين يا جماعة بالكامل - [00:19:19](#)
ما ينفعش كمان الناس تستسلم لوسوسة الشيطان. فيه مسلم يستسلم لوسوسة الشيطان ويروح يشرب مع الكفار. طيب ما هو برضه
قعدوا يتريقوا عليك وانت الخمارة معهم لانك لسه ما انتاش عاجب - [00:19:36](#)
تشعر كده ان من بعد الايات بتاعة الحج اللي هي اخرها كان اول امبارح اللي هي كانت مراية للجزء اللي في النصف الاول من الصورة
اللي دعا فيه ابراهيم واسماعيل بعد ما بنوا الكعبة - [00:19:52](#)
وقالوا ارنا مناسكنا خلي بالك النصف الاول من الصورة في حاجات اساسية بتأسس حياة الانسان الهداية ثلاث انواع من الناس في
التعامل مع الهداية بني اسرائيل وكم الايات اللي شافوها وكم العناد والكفر اللي عملوه - [00:20:12](#)
ثم اه اه طبعا قصة ادم وحواء والشيطان ده من اهم ما يمكن قصة قصص تأسيس حياة الانسان ثم سيدنا ابراهيم وبناء
الكعبة هو واسماعيل ثم تحويل القبلة بالظبط في نص الصورة - [00:20:35](#)
فتحولت القبلة تحول العهد من بني اسرائيل الى امة محمد صلى الله عليه وسلم. ما بحبش اقول بني اسماعيل لان مش مش كل
المسلمين عرب لكن لكن تحول عهد الى امة محمد صلى الله عليه وسلم. ثم بدأ النص الثاني من السورة تطبيقات على ما جاء في
النص الاولاني - [00:20:56](#)
آ بداية البناء. هم. بالايمان والصبر والصلاة زي ما سيدنا ابراهيم كده بنى البيت هو واسماعيل تجد انه ربنا من بعد نص السورة بيبدأ
بيوري المؤمنين ازاى ابنوا دينهم. يا ايها الذين امنوا استعينوا بالصبر والصلاة ان الله مع الصابرين - [00:21:21](#)
ثم بالجهد. ولا تقولوا لمن يقتل في سبيل الله اموات. بل احياء ولكن لا تشعرون ثم بالابتلاءات الشديدة التي تبني الرجال وتبني
النساء وتبني الامم ولنبلونكم بشيء من الخوف والجوع ونقص من الاموال والانسف والثمرات - [00:21:47](#)
وبشر الصابرين الذين اذا اصابتهم مصيبة قالوا انا لله وانا اليه راجعون وطبعا في النصف الاولاني بعد ما ربنا فرض المناسك. هم آ

اسف بقى آآ في النصف الاولاني ربنا اه اه سمع دعاء سيدنا ابراهيم وسيدنا اسماعيل ربنا واجعلنا مسلمين لك ومن ذريتنا امة - [00:22:12](#)

لك. فاحنا كامة مسلمة احنا ثمرة دعاء ابراهيم واسماعيل وارنا مناسكنا وتب علينا فتأتي بقى فرض المناسك على امة محمد في النصف الثاني من السورة. فتجد بقى ايه الشريعة بقى تحرم الخنزير والميت - [00:22:40](#)
والدم وتفرض تفرض القصاص في القتلى والدية ولكم في القصاص في القصاص حياة يا اولي الباب. اسمه القصاص حياة يا اولي الباب. والوصية كتب عليكم اذا حضر احدكم الموت ان ترك خيرا الوصية للوالدين والاقرابين بالمعروف. كل دي تعاليم الدين - [00:23:02](#)

وربنا بيفرض المناسك وفرضت بقى العبادات وسموعهم رحج واعتكاف. كل ده احنا خدناه هنكره تاني الان احنا دخلنا في من امبارح دخلنا من اول الايات بتاعة حلقة امبارح دخلنا في مرحلة التحذير من الانخداع بوسوسة - [00:23:25](#)
شياطين وتزيين المعصية ودي بتقابل ايه في النصف الاول؟ بتقابل قصة ادم وحواء في النصف الاول تمام؟ نرجع بقى لمتين واتناشر زين للذين كفروا الحياة الدنيا ويسخرون من الذين امنوا والذين اتقوا فوقهم يوم - [00:23:45](#)
قيامه ده يقتضي ان الوضع في الدنيا بيبقى معكوس. وان الكافرين ممكن وغالبا وعادة بيبقوا هم عندهم الوضع الاقوى ماديا في الدنيا لكن يوم القيامة المتقين فقط هيكونوا اعلى من الكافرين - [00:24:07](#)
بعد ان بعد ما ربنا ينصف الناس ويعطي كل ذي حق حقه كمل الاية والله يرزق من يشاء بغير حساب. ما علاقة الرزق دلوقتي والمطر والكلام ده؟ ما هو رزق بقى - [00:24:27](#)

بببقى مطر وزرع وانعام ودواب. ايه علاقة ده بالكلام عن الكافرين اللي ببسخروا من المؤمنين ذيل الاية يجب ان يكون مرتبط بجسم الاية يعني اللي بيحي في اخر الاية ده اسمه التذليل - [00:24:43](#)
اخر الاية يجب يكون مرتبط بموضوع الاية اذا هذا الرزق مش بالضرورة رزق الدنيا فقط. يعني الكلام عام. الكلام عام. يعني لما ربنا يقول والله يرزق من يشاء بغير حساب - [00:25:01](#)

في الدنيا ربنا يرزق من يشاء بغير حساب وخلص كلنا عارفين كده لكن بعض المؤمنين المتقين لا يوسع عليهم في الدنيا المقصود هو انهم يرزقون دخول اعلى الدرجات في الجنة بدون حساب - [00:25:16](#)
يبقى رزق بدون حساب في الدنيا يعني رزق بلا حصر ولا عدد. ده معنى كلمة الرزق بدون حساب في الدنيا اموال وبنين وفلوس وارااضي لأ ده بدون حساب ربنا يقدر يدي بدون حساب - [00:25:36](#)

خلص وده يديه للكافرين وللمؤمنين بدون حساب وفي ناس في الدنيا دي ما تعرفش تحصر ثرواتها. ما يقدروش لو حاولوا مش هيعرفوا كل سانية اسعار الاسهم بتتغير. اسعار الذهب بتتغير. اسعار الدولار بتتغير. ما يقدرش يحسب - [00:25:53](#)
لكن ايضا رزق بدون حساب في الآخرة يعني دخول الجنة بدون الوقوف للحساب ولا للسؤال وده دليل على الفوز والنجاح الكبير خلي بالك دول كانوا اللي بيخشوا الاعلى الدرجات في الجنة بدون حساب دول. دول كان الكفار ببسخروا منهم في - [00:26:11](#)
سونيا ده يزهر لنا غباء وغفلة الكفار الشديد جدا غباء في منتهى يعني غباء مش ممكن. ليه بقى ويسخرون من الذين امنوا والذين اتقوا فوقهم يوم القيامة موقعهم ازاي - [00:26:38](#)

دول كانوا غلبة جدا في الدنيا الله يرزق من يشاء بغير حساب ببقى هنا هو المقصود بالرزق ده ان يوم القيامة دخولهم الجنة ووجودهم فوق هم اللي هيبقوا اعلى من الكفار هذا رزق من الله - [00:27:01](#)
بدون حساب. طيب ليه الكفار اللي سخروا من الذين امنوا قلنا عليهم اغبياء. واحنا بنشتم وخلص. لا احنا ما بنحبش نشتم ولا حاجة لكن الخسران يا جماعة هو اللي كان ببسخر من الكسبان لانه مش فاهم الجيم بيتلعب ازاي - [00:27:16](#)
هو فاكر نفسه بيكسب وهو كل شوية يخسر اكثر ويتريق ويسخر. يعني تخيل كده مباراة كرة قدم المباراة دي خلصت نتيجتها عشرة صفر. خلاص؟ عشرة صفر هزيمة فزيعة بعد كل هدف الفريق اللي بيدخل فيه الهدف يطلعوا يجروا ويحضروا بعض. ايه العبط ده!

يعني طبعا اكيد الناس كلها تضحك عليها. ده معناه ان هم مش فاهمين الجيم اصلا - [00:27:36](#)

وبعد المباراة بقى اللاعبين بتوع الفريق الخسران يجروا وفرحانين وعايزين يشيلوا بعض ايه ده تحتفلوا على ايه فاكرين نفسهم فايزين ويشاوروا على الفريق الفايز غلبوهم عشرة صفر ويسخروا منهم لان هم اللي خسرايين ده معناه ان هم مش فاهمين -

[00:28:02](#)

تخيل بقى لما المنزر ده والخسرانين هم اللي بيتريقوا على الفايزين. الصورة دي مصورة وكأنها فيلم بيعرض قدامك في صورة

المطففين سورة المطففين ان الذين اجرموا المجرمين كانوا من الذين امنوا يضحكون - [00:28:22](#)

انا اما بقراها كده بتخيل ايه الناس الذين امنوا دول ناس قاعدين كده مسلا في مقراءة وبيقروا قرآن والذين اجرموا شوية مجرمين

من العيال اللي بتشرب خمره وبتعمل وبتاع معديين فبيضحكوا - [00:28:44](#)

واذا مروا بهم يتغامزون بصعبانة دي واذا انقلبوا الى اهلهم انقلبوا فاكهين. ولما يرجعوا بقى لاهلهم يرجعوا للناس اللي ما كانوا معهم. يقعدوا يضحكوا ويقولوا نكت فكاهات قلبوا فاكهين واذا رأوهم قالوا ان هؤلاء لصالون. يشوفوا المؤمنين يقول لك ايه عم ده

علم تايهة ده عالم مش حاسة بنفسها ده عالم - [00:28:56](#)

دول اللي ضالين ما كلمة ضالون يعني تايهين وما ارسلاوا عليهم حافظين فاليوم الذين امنوا من الكفار يضحكون. اه على الاراتك

ينظرون الى اخر السورة. اذا المثل بيقول لك من يضحك اخيرا يضحك كثيرا - [00:29:27](#)

هو ده بالزبط اللي اللي هنا الصورة اللي بتصورها لك الاية ميتين واناشر في سورة البقرة. بس بشكل مختصر جدا لكن كل كلمة في

الاية محملة بمعاني مش معقولة زين للذين كفروا الحياة الدنيا - [00:29:51](#)

ويسخرون من الذين امنوا والذين اتقوا فوقهم يوم القيامة. والله يرزق من يشاء بغير حساب شف خلي بالك زي ما ما الشيطان

زحلق ادم وحواء وازحلق الكفار برضه وزحلق معهم برضه مؤمنين - [00:30:11](#)

ما خدوش الاسلام كله ربنا قال ايه؟ في آآ آ سورة البقرة ستة وتلاتين وسبعة وتلاتين. وقلنا يا ادم اسكن انت وزوجك الجنة. وكلا

من رغدا حيث شئتما. ولا تقربا هذه الشجرة فتكونا من الظالمين. اسمع - [00:30:36](#)

فازلها الشيطان عنها فاخرجها مما كانا فيه. يعني ايه فازلها؟ يعني زحلقهم زحلقهم. احنا امبارح خدنا ايه يا ايها الذين امنوا

ادخلوا في السلم كافة ولا تتبعوا خطوات الشيطان انه لكم عدو مبين. بس اللي - [00:30:58](#)

تابع خطوات الشيطان. الشيطان ما بيمشيش في طرق ناشفة. بيمشي في طرق مزحلقة. فان زللتهم من بعد ما جاء تكم البيئات فاعلموا

ان الله عزيز حكيم يبقى عشان كده ربنا في النصف الاول من السورة اورد قصة ادم وحواء مع الشيطان - [00:31:20](#)

الانسان لذلك النصف الثاني من الصورة رجع حذرة محمد من اتباع خطوات الشيطان. عشان لا تزل اقدامهم زي ما زلت اقدامهم

ادم ادم وحواء شف بقى الربط لما تقعد تربط بين - [00:31:49](#)

آآ اطراف الصورة وبين ايات القرآن بيتضح لك مش مش تتضح الايات بتتحرك قدامك وكأنه وكأن المسألة اصبحت بعد ما انت

كنت بتتفرج على حاجة ابيض اسود لما كنا بنقرا قبل كده كنا بنقرا ابيض اسود. لكن هو واحد عنده تليفزيون قديم ابيض واسود. لكن

دلوقتي العملية بقت - [00:32:07](#)

زين للذين كفروا الحياة الدنيا ويسخرون من الذين امنوا. والذين اتقوا فوقهم يوم القيامة. والله يرزق امية يشاء بغير حساب. اللهم

اجعلنا ممن ترزق من تشاء بغير حساب اللهم انا نسألك حبك وحب من يحبك وحب كل عمل يقربنا الى حبك - [00:32:30](#)

اللهم ما رزقتنا ما نحب فاجعله قوة لنا فيما نحب. وما زويت عنا مما نحب فاجعله فراغا لنا فيما نحب. الله ثم اجعل حبك احب الينا

من اهلينا واموالنا ومن الماء البارد على الظلم. اللهم حبيننا اليك والى - [00:32:54](#)

ملائكتك وانبيائك ورسلك. وعبادك الصالحين واجعلنا ممن يحبك ويحب ملائكتك وانبيائك ورسلك. وعبادك الصالحين اللهم احبي

قلوبنا بحبك واجعلنا لك كما نحب. اللهم اجعلنا نحبك بكل قلوبنا بكل اجسادنا. اللهم اجعل حينا كله لك وسعينا كله في مرضاتك. اللهم

اجعل القرآن الكريم ربي - [00:33:14](#)

قلوبنا ونور صدورنا وجلاء احزاننا وذهاب همومنا وغمومنا ومغفرة ذنوبنا. اسأل الله العلي العظيم ان يجعل هذا التدبر في ميزان حسناتي وحسناتكم جميعا اللهم فاطر السماوات والارض. عالم الغيب والشهادة انت تحكم بين عبادك فيما كانوا فيه يختلفون. فيحق كل حرف في كتابك - [00:33:44](#)

يتلونه او تدبرناه. اكفنا واهلينا واخواننا واخواتنا شر كل من يكيد لنا ولهم. واحفظنا واباهم من شرورهم. ونجعل اللهم في نحورهم فانت الوكيل. ولا حول ولا قوة الا بك. اللهم بحق كل حرف في كتابك - [00:34:10](#)

في كتالونه او تدبرناه ايد بنصرك المرابطين في الارض المباركة فلسطين. وكن مع اخواننا في تركستان الشرقية وفي وفي كشميرة وفي سريلانكا وفي الهند وانصر كل من نصرهم واخذل كل من خذلهم. وطهر المسجد الاقصى من الدنس فانهم لا - [00:34:30](#)

اللهم من قضى منا بالوباء المنتشر فاكتبها له شهادة. ومن كان منا او من احبابنا او من اخواننا او من اخواتنا او من مشايخنا او من علمائنا او من ابائنا او من امهاتنا مريضا به او حاملا له فالبسه ثوب الصحة والعافية عاجلا غير اجل - [00:34:50](#)

ومن لم يصب به فقه شره وابعده عنه. ولا تسلطه الا على اعدائك واعداء دينك واعداء اوليائك اللهم انك تعلم ان هذه القلوب قد اجتمعت على كتابك وعلى محبتك والتقت يا ربنا على طاعتك وتوحدت على دعوتك وتعاهدت على نصره شريعتك. فوثق -

[00:35:11](#)

اللهم رابطتها. وادم ودها واهدها سبلها. واملأها بنورك الذي لا يخبو. واشرح صدورها بفيض الايمان بك فجميل التوكل عليك واحيها يا ربنا بمعرفتك. وامتها يا مولانا على الشهادة في سبيلك - [00:35:38](#)

انك نعم المولى ونعم النصير. وصل اللهم وسلم على سيدنا محمد وعلى اله وصحبه ومن تبع هداه والسلام عليكم ورحمة الله وبركاته. ونراكم غدا باذن الله في نفس هذا الموعد ان كنا من اهل الدنيا - [00:35:55](#)